

ქ. თბილისი
მხარეები:

22 მარტი 2017 წელი

ერთის მხრივ, სს „საქართველოს ენერგეტიკის განვითარების ფონდი“ (შემდგომში „შემსყიდველი“),
წარმოდგენილი მისი დირექტორის, მამუკა კობახიძის სახით

და
მეორეს მხრივ შპს „ორიენტ ლოჯიკი“ (შემდგომში „მიმწოდებელი“), წარმოდგენილი მისი
კომერციული დირექტორის ალან სამაკოვეის სახით,

შემსყიდველი და მიმწოდებელი ცალ-ცალკე მოხსენიებულნი არიან როგორც მხარე, ხოლო
ერთობლივად როგორც მხარეები.

მხარეები ვმოქმედებთ რა, „სახელმწიფო შესყიდვების შესახებ“ საქართველოს კანონის მესამე მუხლის
1. პუნქტის ს/ ქვეპუნქტის საფუძველზე ვდებთ წინამდებარე ხელშეკრულებას გამარტივებული
შესყიდვით (შემდგომში ხელშეკრულება) და ვთანხმდებით შემდეგზე:

1. ხელშეკრულების საგანი

- 1.1 წინამდებარე ხელშეკრულების საგანს წარმოადგენს შემსყიდველის მიერ მიმწოდებლისგან
ლაზერული პრინტერის CPV30200000, CPV30232110 - HP COLOR LASERJET PRO MFP M477FDW
(შემდგომში „საქონელი“) შესყიდვა, წინამდებარე ხელშეკრულების პირობების შესაბამისად.
- 1.2 მიწოდებული საქონლის სანაცვლოდ შემსყიდველი უხდის მიმწოდებელს საქონლის
ღირებულებას, წინამდებარე ხელშეკრულებით გათვალისწინებული პირობების შესაბამისად.

2. მხარეთა უფლება-მოვალეობები

- 2.1 შემსყიდველი უფლებამოსილია მოსთხოვოს მიმწოდებელს ხელშეკრულებით ნაკისრი
ვალდებულებების დროულად და სრულად შესრულება;
- 2.2 შემსყიდველი ვალდებულია, უზრუნველყოს შესაბამისი ანგარიშსწორება ხელშეკრულებით
გათვალისწინებული პირობებითა და ოდენობით;
- 2.3 მიმწოდებელი უფლებამოსილია, მოსთხოვოს შემსყიდველს ხელშეკრულებით ნაკისრი
ვალდებულებების დროულად და სრულად შესრულება.
- 2.4 მიმწოდებელი ვალდებულია, მიაწოდოს შემსყიდველს ნივთობრივად და უფლებრივად
უნაკლო საქონელი და მასთან დაკავშირებული აუცილებელი დოკუმენტაცია. მიწოდებული
საქონლის ხარისხი უნდა შეესაბამებოდეს ხელშეკრულებით შეთანხმებულ ხარისხს და
ტექნიკურ მაჩვენებლებს და საქონლისადმი დადგენილ სტანდარტებს.

3. საქონლის მიწოდების პირობები

- 3.1 შემსყიდველი უფლებამოსილია უარი განაცხადოს უხარისხო ან დაწუნებული საქონლის
მიღებაზე.
- 3.2 შემსყიდველი უფლებამოსილია უარი განაცხადოს საქონლის მიღებაზე თუ მიმწოდებლის მიერ
მიწოდებული საქონელი არ შეესაბამება განსაზღვრულ სტანდარტებს.
- 3.3 წინამდებარე ხელშეკრულების ძალაში შესვლის დღიდან 2017 წლის 31 დეკემბრის ჩათვლით,
მიმწოდებელი ვალდებულია საკუთარი ხარჯით მიაწოდოს საქონელი შემსყიდველს
მოთხოვნის წარდგენიდან არაუგვიანეს 2 (ორი) სამუშაო დღისა შემსყიდველის ოფისში შემდეგ
მისამართზე: ქ. თბილისი ბარათაშვილის ქ. #8 IV სართული.
- 3.4 მოთხოვნა შეიძლება წარდგენილ იქნას ელექტრონული ფოსტით.

4. ხელშეკრულების ღირებულება და ანგარიშსწორების წესი

- 4.1 ხელშეკრულების საერთო ღირებულება შეადგენს 1354,30 (ათას სამას ორმოცდა თოთხმეტი ლარი
ოცდაათი თეთრი) ლარს, კანონმდებლობით გათვალისწინებული გადასახადების ჩათვლით.
- 4.2 მიმწოდებელთან ანგარიშსწორება წარმოებს ლარში, ნაღდი ანგარიშსწორების ფორმით.
საქონლის მიწოდებიდან 3 (სამი) სამუშაო დღის ვადაში.

5. გარანტია, პასუხისმგებლობა და ხელშეკრულების პირობების შეუსრულებლობა

- 5.1 მიმწოდებელი იძლევა გარანტიას, რომ მის მიერ მიწოდებულ საქონელს, საქონლის ვარგისიანობის პერიოდში, არ წარმოექმნება ნაკლი.
- 5.1.1 ნაკლის არსებობის შემთხვევაში, მიმწოდებელი თავისი ხარჯითა და პასუხისმგებლობით უზრუნველყოფს მის აღმოფხვრას 30 (ოცდაათი) დღეში.
- 5.1.2 მიმწოდებელი იძლევა 1 წლიან გარანტიას(მიწოდების დღიდან). საგარანტიო პერიოდში ხარვეზის გამოვლენის შემთხვევაში მიმწოდებელი ვალდებულია საკუთარი სახსრებით შეაკეთოს აღნიშნული საქონელი და თუ ის შეკეთებას არ ექვემდებარება, შეცვალოს ახლით.
- 5.1.3 იმ შემთხვევაში, თუ მიმწოდებელი ვერ უზრუნველყოფს ნაკლის აღმოფხვრას, შემსყიდველს უფლება აქვს დააკისროს მიმწოდებელს ნაკლიანი საქონლის ღირებულების ოდენობის პირგასამტეხლოს გადახდა, რაც მიმწოდებელმა შემსყიდველის მიერ მისთვის (მიმწოდებლისათვის) პირგასამტეხლოს დაკისრების თაობაზე წერილობითი შეტყობინების მიღების დღიდან, დაუყოვნებლივ, მაგრამ არაუგვიანეს ორი სამუშაო დღისა უნდა გადაიხადოს.
- 5.2 მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.
- 5.3 ნაკლიანი საქონლის მიწოდების შედეგად შემსყიდველისთვის, ან მესამე მხარისათვის მიყენებული ნებისმიერი ზიანის ანაზღაურება ეკისრება მიმწოდებელს.
- 5.4 მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.
- 5.5 მიმწოდებლის მიერ პირგასამტეხლოს გადახდა, საქართველოს სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.
- 5.6 წინამდებარე ხელშეკრულების 1.1 მუხლით გათვალისწინებული საქონლის სრულად არ შესყიდვის შემთხვევაში შემსყიდველს პასუხისმგებლობა არ ეკისრება.

6. პასუხისმგებლობისგან განთავისუფლება

- 6.1 მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს მაჟორულ გარემოებებად).
- 6.2 მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.
- 6.3 წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.
- 6.4 მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

7. ხელშეკრულების ინსპექტირების პირობები

- 7.1 „მიმწოდებლის“ მიერ ხელშეკრულების პირობების შესრულებაზე კონტროლს ახორციელებს „შემსყიდველის“ მიერ შექმნილი ინსპექტირების ჯგუფი.
- 7.2 „შემსყიდველი“ ვალდებულია, სამუშაოების შესრულების დამადასტურებელი მიღება-ჩაბარების აქტის გაფორმებამდე, სამუშაოების მიმდინარეობის ნებისმიერ ეტაპზე, ჩაატაროს ინსპექტირება, სამუშაოების ხელშეკრულებით გათვალისწინებულ მოთხოვნებთან შესაბამისობის დადგენის მიზნით.
- 7.3 ინსპექტირებისას გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“.

8. ხელშეკრულებაში ცვლილების შეტანა

- 8.1 ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.
- 8.2 დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 8.2.1 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 8.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.
- 8.4 ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

9. ხელშეკრულების მოქმედების ვადა

- 9.1 ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2017 წლის 31 დეკემბრამდე.
- 9.2 ხელშეკრულება შეიძლება ვადამდე შეწყდეს: მხარეთა შეთანხმებით, რომელიმე მხარის მიერ წინამდებარე ხელშეკრულების პირობების განზრახ ან უხეში გაუფრთხილებლობით დარღვევისას ან/და კანონმდებლობით გათვალისწინებულ სხვა შემთხვევებში.

10. დავათა გადაწყვეტა

- 10.1 მხარეები იღებენ ყველა ზომას, რათა წინამდებარე ხელშეკრულებიდან გამომდინარე ყველა დავა ან წინააღმდეგობა გადაწყდეს ურთიერთმოლაპარაკების გზით.
- 10.2 საკითხის მოლაპარაკების საფუძველზე გადაწყვეტის შეუძლებლობის შემთხვევაში, ამ ხელშეკრულებასთან დაკავშირებით წარმოქმნილი ნებისმიერი დავა, მათ შორის: თვით ამ ხელშეკრულების არსებობის, ნამდვილობის, შეწყვეტის, ან ბათილობის საკითხი განსახილველად და გადაწყვეტილების მისაღებად გადაეცემა სასამართლოს, საქართველოს კანონმდებლობის შესაბამისად.

11. დასკვნითი დებულებები

- 11.1 წინამდებარე ხელშეკრულება შედგენილია ქართულ ენაზე, თანაბარი იურიდიული ძალის მქონე ორ ეგზემპლარად.
- 11.2 ხელშეკრულების ცალკეული მუხლის ან/და პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.
- 11.3 წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით.
- 11.4 ხელშეკრულების არცერთ მხარეს არ აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

12. მხარეთა რეკვიზიტები და ხელმოწერები

შემსყიდველი:

სს „საქართველოს ენერგეტიკის განვითარების
ფონდი“

მისამართი: ბარათაშვილის ქ. #8, თბილისი

საიდ.კოდი: 404391975

ს.ს. ბანკი „რესპუბლიკა“

ბანკის კოდი: REPLGE22

ა/ა #GE57BR0000010773785998

დირექტორი
მამუკა კობახიძე



მიმწოდებელი:

შპს „ორიენტ ლოჯიკი“

მისამართი: ბელიაშვილის ქ#8, თბილისი

საიდ.კოდი: 202052054

ბანკი: სს ბაზის ბანკი

ბანკის კოდი: CBASGE22

ა/ა # GE96 BS00 0000 0005 9368 72

კომერციული დირექტორი
ალან სანაკოვეი

